

თელავის მუნიციპალიტეტის საკრებულოს
სამანდატო-საპროცედურო და იურიდიულ საკითხთა კომისიის სხდომის
ოქმი №1

ქ.თელავი

17. 01. 2018 წ.

თავმჯდომარე: სამანდატო-საპროცედურო და იურიდიულ საკითხთა კომისიის
თავმჯდომარე ნანა ხვისტანი

ესწრებოდნენ კომისიის წევრები: ტიტე დარეჯანიშვილი, დავით ლაღანიძე, მია
მარკოზაშვილი, ლევან კოჭლოშვილი, არჩილ თვალაშვილი, ზურაბ ნაცარაშვილი,
ზაქარია გრიშკაშვილი.

აგრეთვე ესწრებოდნენ: საკრებულოს თავმჯდომარის მოადგილე გიგა
ორკოდაშვილი, საკრებულოს სამანდატო-საპროცედურო და იურიდიულ საკითხთა
კომისიაში მოწვეული სპეციალისტი მ. ჩაფურიშვილი, თელავის მუნიციპალიტეტის
მერიის იურიდიული სამსახურის სამართლებრივი უზრუნველყოფის განყოფილების
უფროსი ელენე ფროდუელი, თელავის მუნიციპალიტეტის მერიის საფინანსო-
საბიუჯეტო სამსახურის უფროსი ნათია ვაყელიშვილი.

დღის წესრიგი:

1. თელავის მუნიციპალიტეტის საკრებულოს 2017 წლის 24 ნოემბრის №03
დადგენილებაში „თელავის მუნიციპალიტეტის მერიის დებულების
დამტკიცების შესახებ“ ცვლილების შეტანის თაობაზე
2. თელავის მუნიციპალიტეტის საკრებულოს 2017 წლის 24 ნოემბრის №04
დადგენილებაში „თელავის მუნიციპალიტეტის ადმინისტრაციულ
ერთეულებად დაყოფის შესახებ“ ცვლილების შეტანის თაობაზე

3. თელავის მუნიციპალიტეტის მერიაში ადმინისტრაციულ სამართალდარღვევათა საქმის წარმოების დოკუმენტების ფორმების განხილვის შესახებ
4. თელავის მუნიციპალიტეტის ტერიტორიაზე ადგილობრივი (ქონების) გადასახადის შემოღების შესახებ
5. თელავის მუნიციპალიტეტში სახელმწიფო და თელავის მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის ზონირებისა და ნორმატიული ფასის განსაზღვრის შესახებ.
6. მშენებლობის ნებართვასთან დაკავშირებული (გარდა განსაკუთრებული მნიშვნელობის რადიაციული ან ბირთვული ობიექტის მშენებლობის) დოკუმენტების ტიპური ფორმებისა და მშენებლობის სანებართვო მოწმობის ფორმის აღრიცხვა-ანგარიშგების წესის განხილვის შესახებ
7. თელავის მუნიციპალიტეტის ბიუჯეტიდან სარეზერვო ფონდის ხარჯვის წესის განხილვის შესახებ.
8. თელავის მუნიციპალიტეტის ბიუჯეტით გამოყოფილი ასიგნებების, მხარჯავი დაწესებულებების საბიუჯეტო კლასიფიკაციის მუხლებსა და პროგრამულ კოდებს შორის გადანაწილების წესის განხილვის შესახებ
9. თელავის მუნიციპალიტეტის ტერიტორიაზე არსებული „ბაგა-ბაღები“-ს ავტორიზაციის შესახებ.

მოისმინეს: თელავის მუნიციპალიტეტის საკრებულოს 2017 წლის 24 ნოემბრის №03 დადგენილებაში „თელავის მუნიციპალიტეტის მერიის დებულების დამტკიცების შესახებ“ ცვლილების შეტანის თაობაზე, კერძოდ ნანა ხვისტიანმა აღნიშნა რომ დებულების მე-2 მუხლის მე-2

პუნქტში შევიდა ცვლილება და განისაზღვრა რომ მერია შედგება არა „ტერიტორიული“ არამედ სტრუქტურული ერთეულებისაგან.

ელენე ფროდელმა აღნიშნა რომ ცვლილება შევიდა დებულების მე-5 მუხლის მე-3 პუნქტში და განისაზღვრა რომ მერიის პოლიტიკური თანამდებობის პირების თანამდებობრივ შეუთავსებლობას აწესრიგებს საქართველოს ორგანული კანონი „ადგილობრივი თვითმმართველობის კოდექსი“, ხოლო მერიის პირველადი სტრუქტურული ერთეულების ხელმძღვანელთა თანამდებობრივი შეუთავსებლობის საკითხი წყდება საჯარო სამსახურის შესახებ საქართველოს კანონის შესაბამისად. მერიის დებულებაში შევიდა სხვა ცვლილებებიც, კერძოდ ცვლილება განიცადა მე-7, მე-8, მე-9, 12-ე, 14-ე და მე-18 მუხლებმა, რითაც შესაბამისობაში მოვიდა ორგანული კანონის „ადგილობრივი თვითმმართველობის კოდექსის მოთხოვნებთან..

მ.ჩაფურიშვილმა აღნიშნა, რომ მერიიდან ამოსულ არცერთ პროექტს არ ახლავს განმარტებითი ბარათები, რითიც ფაქტიურად ირღვევა საქართველოს ორგანული კანონი „ნორმატიული აქტების შესახებ“ და წამოაყენა წინადადება რომ მერიას გაეზავენოს სარეკომენდაციო წერილი აღნიშნული ხარვეზის გამოსწორების მიზნით

აზრი გამოთქვს: ა. თვალისაშვილმა განაცხადა, რომ მერიის დებულებაში ცვლილების პროექტი წარმოდგენილია საქართველოს ორგანული კანონის „ადგილობრივი თვითმმართველობის კოდექსის“ თანახმად. ხოლო შენიშვნა განმარტებით ბარათებთან დაკავშირებით სწორია და უნდა გამოსწორდეს

გადაწყვიტეს: კომისიამ მიზანშეწონილად მიიჩნია თელავის მუნიციპალიტეტის მერიის დებულების პროექტის წარდგენა საკრებულოსათვის განსახილველად, განმარტებით ბარათთან ერთად.

მისმინეს: თელავის მუნიციპალიტეტის საკრებულოს 2017 წლის 24 ნოემბრის №04 დადგენილებაში „თელავის მუნიციპალიტეტის ადმინისტრაციულ ერთეულებად დაყოფის შესახებ“ ცვლილების შეტანის თაობაზე

აზრი გამოთქვს: ე. ფროდელმა აღნიშნა, რომ „აღმოსავლეთ თელავი“ ტერიტორიულ ერთეულში ციციშვილის ქუჩა უნდა ჩასწორდეს და მიენიშნოს ზაქარია ახიშვილის ქუჩა.

გადაწყვიტეს: ცვლილების პროექტი წარედგინოს საკრებულოს ბიუროს განსახილველად.

მოისმინეს: თელავის მუნიციპალიტეტის მერიაში ადმინისტრაციულ სამართალდარღვევათა საქმის წარმოების დოკუმენტების ფორმების განხილვის შესახებ.

ელენე ფროდელუმა აღნიშნა რომ აღნიშნული ცვლილებით, მტკიცდება ადმინისტრაციულ სამართალდარღვევის ფორმა რომელიც დგება ადმინისტრაციულ სამართალდარღვევათა კოდექსის 239-ე და 240-ე მუხლების შესაბამისად და მას ადგენს იურიდიული სამსახურის ზედამხედველობის განყოფილების თანამშრომელი, მან აღნიშნა რომ მტკიცდება ოქმების აღრიცხვის ჟურნალი, მითითების ფორმა, შემოწმების აქტის ფორმა და სამართალდარღვევის საქმეზე დადგენილების ფორმა.

აზრი გამოთქვას: მ. მარკოზაშვილმა აღნიშნა, რომ დებულების პროექტი წარმოდგენილია კანონის მოთხოვნათა დაცვით.

გადაწყვიტეს: კომისიამ მიზანშეწონილად მიიჩნია პროექტი წარედგინოს საკრებულოს ბიუროს საკრებულოს სხდომაზე გასატან საკითხთა ნუსხაში.

მოისმინეს: თელავის მუნიციპალიტეტის ტერიტორიაზე ადგილობრივი (ქონების) გადასახადის შემოღების შესახებ

ელენე ფროდელუმა აღნიშნა, რომ ქონების გადასახადის ტარიფები არ იცვლება, რჩება ისევე ძველი და აუცილებელია მუნიციპალიტეტის საკრებულომ 2018 წლის 01 თებერვლამდე მიიღოს დადგენილება ქონების გადასახადის შესახებ.

აზრი გამოთქვას: დ. ლაღანიძემ აღნიშნა, რომ პროექტი მზად არის საკრებულოს სხდომაზე გასატანად.

გადაწყვიტეს: კომისიამ მიზანშეწონილად მიიჩნია პროექტის წარდგენა ბიუროს სხდომაზე.

მოისმინეს: თელავის მუნიციპალიტეტში სახელმწიფო და თელავის მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის ზონირებისა და ნორმატიული ფასის განსაზღვრის შესახებ.

აზრი გამოთქვეს: ტ. დარეჯანიშვილმა აღნიშნა, რომ ვინაიდან არ იცვლება მიწის ნორმატიული ფასი პროექტი წარმოდგენილი სახით მისაღებია.

გადაწყვიტეს: კომისიის წევრების მიერ მიზანშეწონილად იქნა მიჩნეული დებულების პროექტის წარდგენა ბიუროს სხდომაზე.

მოისმინეს: მშენებლობის ნებართვასთან დაკავშირებული (გარდა განსაკუთრებული მნიშვნელობის რადიაციული ან ბირთვული ობიექტის მშენებლობის) დოკუმენტების ტიპური ფორმებისა და მშენებლობის სანებართვო მოწმობის ფორმის აღრიცხვა-ანგარიშგების წესის განხილვის შესახებ.

აზრი გამოთქვეს: ნანა ხვისტანმა განაცხადა, რომ თელავის მუნიციპალიტეტის მერიიდან ამოსულ პროექტან დაკავშირებით შენიშვნა არ გააჩნია და აღნიშნა, რომ მშენებლობის სანებართვო მოწმობის გამოყენების, აღრიცხვა ანგარიშგების ფორმების დამტკიცება აუცილებელია.

გადაწყვიტეს: კომისიას მიზანშეწონილად მიაჩნია პროექტი წარმოდგენილი სახით წარედგინოს ბიუროს სხდომას.

მოისმინეს: თელავის მუნიციპალიტეტის ბიუჯეტიდან სარეზერვო ფონდის ხარჯვის წესის განხილვის შესახებ.

აზრი გამოთქვეს: ნანა ხვისტანმა აღნიშნა, რომ პროექტან დაკავშირებით შენიშვნა არ გააჩნია.

გადაწყვიტეს: კომისიამ მიიჩნია, რომ პროექტი განმარტებით ბარათთან ერთად წარედგინოს საკრებულოს ბიუროს.

მოისმინეს: თელავის მუნიციპალიტეტის ბიუჯეტით გამოყოფილი ასიგნებების, მხარჯავი დაწესებულებების საბიუჯეტო კლასიფიკაციის მუხლებსა და პროგრამულ კოდებს შორის გადანაწილების წესის განხილვის შესახებ

აზრი გამოთქვეს: მ. მარკოზაშვილმა აღნიშნა, რომ პროექტის შინაარსი მისაღებია ხოლო რაც შეეხება განმარტებით ბარათს, წარმოსადგენია და უნდა დაერთოს პროექტს ბიუროს სხდომაზე წარსადგენად.


გადაწყვიტეს: წარედგინოს საკრებულოს ბიუროს პროექტი შენიშვნების გათვალისწინებით.

მოსმინეს: თელავის მუნიციპალიტეტის ტერიტორიაზე არსებული ადრეული და სკოლამდელი აღზრდისა და განათლების დაწესებულებებში, „ადრეული და სკოლამდელი აღზრდისა და განათლების დაწესებულებების“ შესახებ საქართველოს კანონის 28-ე მუხლის მე-4 ნაწილის შესაბამისად გარკვეული სტანდარტების დადგენის შესახებ.

აზრი გამოთქვას: წარმოდგენილი ნორმატიული აქტების მიღება ხელს შეუწყობს თელავის მუნიციპალიტეტის ტერიტორიაზე არსებული ბაგა-ბაღების ავტორიზაციის პროცესს.

გადაწყვიტეს: კომისიამ მიზანშეწონილად მიიჩნია, წარედგინოს საკრებულოს ბიუროს საკრებულოს იურიდიული კომისიის მიერ შემუშავებული 5 ნორმატიული აქტის პროექტი კერძოდ: სკოლამდელი აღზრდისა და სასკოლო მზაობის პროგრამის განმახორციელებელი დაწესებულების პერსონალის პროფესიული სტანდარტების დამტკიცების შესახებ, სასკოლო მზაობის პროგრამის განმახორციელებელი დაწესებულების პერსონალისათვის სამსახურებრივი ინსტრუქციების, ქცევისა და ეთიკის ნორმების დამტკიცების შესახებ, სასკოლო მზაობის პროგრამის განმახორციელებელი დაწესებულების შიდა მონიტორგისა და შეფასების სისტემის დამტკიცების შესახებ, სასკოლო მზაობის პროგრამის მიწოდების მონიტორინგის შეფასების, ანგარიშგების სისტემის დამტკიცების შესახებ, სასკოლო მზაობის პროგრამის განმახორციელებელი დაწესებულების დირექტორის საკვალიფიკაციო მოთხოვნების დამტკიცების შესახებ.

კომისიის თავმჯდომარე



ნანა ხვისტანი